

Zbirka medijskih objava

VladaBrckoDistrikta_kliping_dnevno,
za razdoblje 11. 2. 2020

Broj objava: 15

Internet: 3

Televizija: 4

Štampa: 8

Teme praćenja:

Vlada Brčko Distrikta: 2

Gradonačelnik: 1

Skupština Brčko: 2

Brčko: 10

Vlada Brčko Distrikta:

Internet	Naslov	Brčko: Aplikacija "Građanska patrola" počela sa radom Istaknuto		
Serijski br. 1	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 10. 2. 2020		
Stranica u zbirci: 8	Autor	Unknown		
	Teme	Vlada Brčko Distrikta		

Televizija	Naslov	Inovativni nastavnik iz Brčkog		
Serijski br. 2	Medij; Doseg	Radio Televizija Federacije Bosne i Hercegovine; , Bosna i Hercegovina	17:00	Trajanje: 2 min
	Rubrika, Datum	Federacija danas; 10. 2. 2020		
Stranica u zbirci: 9	Autor	Kristian Bilić		
	Teme	Vlada Brčko Distrikta		

Gradonačelnik Brčko Distrikta:

Televizija	Naslov	Brčko uskoro dobija registar zaposlenih u javnom sektoru		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 1 min
	Rubrika, Datum	Centralne vijesti; 10. 2. 2020		
Stranica u zbirci: 10	Autor	Unknown		
	Teme	Gradonačelnik Brčko Distrikta		

Skupština Brčko Distrikta:

Televizija	Naslov	Predsjednik Skupštine Brčko distrikta BiH uručio zahvalnice dvojici bivših košarkaša KK Brčko distrikta BiH		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 3 min
	Rubrika, Datum	Centralne vijesti; 10. 2. 2020		
Stranica u zbirci: 11	Autor	Unknown		
	Teme	Skupština Brčko Distrikta		

Internet	Naslov	Predsjednik Skupštine Brčko distrikta BiH uručio zahvalnice dvojici bivših košarkaša KK „Brčko distrikta BiH“		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 10. 2. 2020		
Stranica u zbirci: 15	Autor	Unknown		
	Teme	Skupština Brčko Distrikta		

Brčko:

Televizija	Naslov	Završen proces fiskalizacije u Brčko		
Serijski br. 1	Medij; Doseg	Radio televizija Republike Srpske; , Bosna i Hercegovina	17:00	Trajanje: 2 min
	Rubrika, Datum	Srpska danas; 10. 2. 2020		
Stranica u zbirci: 16	Autor	Mirko Trifković		
	Teme	Brčko		

Štampa	Naslov	Formira se Mreža specijaliziranih tužilaca		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 2	Površina: 384 cm ²
	Rubrika, Datum	Aktuelno; 11. 2. 2020		
Stranica u zbirci: 17	Autor	M.Aščić		
	Teme	Brčko		

Internet	Naslov	Priča iz prakse: Internetskom predatoru meta bila devetogodišnja djevojčica iz BiH		
Serijski br. 3	Medij; Doseg	Klix.ba; 1.110, Bosna i Hercegovina		
	Rubrika, Datum	Ostalo; 11. 2. 2020		
Stranica u zbirci: 20	Autor	L. K.		
	Teme	Brčko		

Štampa	Naslov	U TIJEKU USPOSTAVA MREŽA SPECIJALIZIRNIH TUŽITELJA I ISTRAŽITELJA NA SVIM RAZINAMA		
Serijski br. 4	Medij; Doseg	Dnevni list; , Bosna i Hercegovina	Stranica: 2	Površina: 122 cm ²
	Rubrika, Datum	Događaji; 11. 2. 2020		
Stranica u zbirci: 21	Autor	Unknown		
	Teme	Brčko		

Štampa	Naslov	OTIMAJU ZEMLJU PO RECEPTU MILA ĐUKANOVIĆA		
Serijski br. 5	Medij; Doseg	Euro Blic; , Bosna i Hercegovina	Stranica: 1	Površina: 940 cm ²
	Rubrika, Datum	Politika; 11. 2. 2020		
Stranica u zbirci: 24	Autor	Bašić Maja, Popadić Slobodan		
	Teme	Brčko		

Štampa	Naslov	Васкршња хуманитарна аукција слика		
Serijski br. 6	Medij; Doseg	Glas Srpske; , Bosna i Hercegovina	Stranica: 7	Površina: 19 cm ²
	Rubrika, Datum	Panorama; 11. 2. 2020		
Stranica u zbirci: 25	Autor	Srna		
	Teme	Brčko		

Štampa	Naslov	Javna preduzeća od danas u viziru Evrope		
Serijski br. 7	Medij; Doseg	Nezavisne novine; , Bosna i Hercegovina	Stranica: 2	Površina: 231 cm ²
	Rubrika, Datum	Događaji; 11. 2. 2020		
Stranica u zbirci: 27	Autor	Šajinović Dejan		
	Teme	Brčko		

Štampa	Naslov	Trgovinom ljudima tužilaštva se ne bave		
Serijski br. 8	Medij; Doseg	Oslobođenje; , Bosna i Hercegovina	Stranica: 2	Površina: 314 cm ²
	Rubrika, Datum	U žiži; 11. 2. 2020		
Stranica u zbirci: 28	Autor	Džaferović Adem		
	Teme	Brčko		








Štampa	Naslov	Jačanje Udarne skupine u borbi protiv trgovine ljudima		
Serijski br. 9	Medij; Doseg	Večernji list; , Bosna i Hercegovina	Stranica: 3	Površina: 118 cm ²
	Rubrika, Datum	Aktualno; 11. 2. 2020		
Stranica u zbirci: 29	Autor	Unknown		
	Teme	Brčko		

Štampa	Naslov	Nova inicijativa da se Sarajevu ukine koeficijent 2 pri raspodjeli prihoda		
Serijski br. 10	Medij; Doseg	Večernji list; , Bosna i Hercegovina	Stranica: 5	Površina: 564 cm ²
	Rubrika, Datum	Aktualno; 11. 2. 2020		
Stranica u zbirci: 30	Autor	Krešić Zoran		
	Teme	Brčko		

Predsjednik **Skupštine Brčko distrikta** BiH uručio zahvalnice dvojici bivših košarkaša KK **Brčko** distrikta BiH




Brčko uskoro dobija registar zaposlenih u javnom sektoru



Brčko: Aplikacija "Građanska patrola" počela sa radom

Istaknuto



Vlada Brčko distrikta BiH pokrenula je projekat pod nazivom "Građanska patrola", kojim će putem posebne aplikacije građani moći fotografijom ili videozapisom ukazati na komunalne, saobraćajne i slične probleme u našem gradu.

Aplikaciju možete preuzeti na mobilnom telefonu i to putem "Play store" i "App store", tako što ukucate naziv "Građanska patrola Brčko".

Pored **Vlade Brčko distrikta** BiH kao nosioca projekta, također su uključeni i Policija **Brčko** distrikta BiH, Kancelarija za upravljanje javnom imovinom i Inspektorat **Brčko** distrikta BiH.

Projekat će sutra, 11.02.2020. godine, na konferenciji za medije u Gradskoj vijećnici u 11:30h predstaviti **gradonačelnik Brčko distrikta** BiH Siniša Milić te šef Odjeljenja za stručne i administrativne poslove Srđan Blažić.

Predsjednik Skupštine Brčko distrikta BiH uručio zahvalnice dvojici bivših košarkaša KK „Brčko distrikta BiH“

Ponedjeljak, 10/02/2020 10:56



[1]

Predsjednik Skupštine Brčko distrikta BiH Esed Kadrić prisustvovao je u subotu 8. februara prvenstvenoj utakmici A1 lige BiH za košarkaše koja se igrala u Tehničkoj školi u Brčkom između KK „Brčko distrikta BiH“ i „Bosna“ Sarajevo.

Tom prilikom predsjednik Kadrić uručio je zahvalnice i prigodne poklone bivšim košarkašima Goranu Mikiću i Igoru Šarencu koji su se oprostili od aktivnog bavljenja košarkom.

„KK „Brčko distrikt BiH“ značajnije je podržan proteklih godina od Vlade i Skupštine Brčko distrikta i stabilizovao se u ligi u kojoj sada igraju. Raduje nas susret našeg i KK „Bosna“ Sarajevo kao i prilika da na ovakav način ispratimo dvojicu košarkaša koji prestaju da igraju košarku“, rekao je predsjednik Kadrić. Dodao je da na žalost Brčko nema strategiju brige o bivšim sportistima koji su u različitim sportovima pronijeli ime Brčkog i istakao da je obaveza institucija da razmisle kako iskoristiti te benefite i podržati sportiste nakon završetka sportske karijere.



Enver Abadžić, dugogodišnji član KK „Brčko distrikta BiH“ rekao je da je radostan što su se na ovakav način oprostile od bivših košarkaša.

„To su momci koji su pružili jako puno našem klubu, koji su igrali srcem i u ovom amaterskom sportu pokazali veliku ljubav za košarku i naš grad“, rekao je Abadžić.



Goran Mikić je rekao da završava jedno drago poglavlje života, a Igor Šarenac da se povlači iz košarke s veoma pozitivnim iskustvima.



Država: Bosna i Hercegovina

Doseg:


Indeks

Trajanje: 02:00


(pogledaj)

1 / 1

Inovativni nastavnik iz Brčkog



Završen proces fiskalizacije u Brčko





TUŽILAŠTVO Zasedala Udarne grupa za borbu protiv trgovine ljudima

Formira se Mreža specijaliziranih tužilaca

Na sastanku je razgovarano o stanju u oblasti procesuiranja krivičnih djela međunarodne trgovine ljudima

U Sarajevu je jučer održan sastanak Udarne grupe za borbu protiv trgovine ljudima i organiziranih ilegalnih migracija.

Reakcija USAID-a

Sastankom je predsjedavala rukovoditeljica Udarne grupe, glavna tužiteljica Tužilaštva BiH Gordana Tadić, a uslijedio je nakon što je zamjenica direktora USAID-a Boni Glik (Bonnie Glick) tokom posjete BiH izjavila da, ukoliko se BiH ne pozabavi pitanjem trgovine ljudima i ne zaustavi daljnje padanje na listi, postoji opasnost od povlačenja sredstava SAD iz naše zemlje.

Iz Tužilaštva BiH je istaknuto da su se centralne teme odnosile na osnaživanje rada Udarne grupe te aktivnosti institucija BiH u borbi protiv



S jučerašnjea sastanka

trgovine ljudima.

- Središnje teme sastanka odnosile su se na realiziranje i provedbu odredbi usvojene Strategije za suprotstavljanje trgo-

vini ljudima u BiH, kao i Strategije integriranog upravljanja granicom u BiH 2019.-2023. godine, a koje se odnose na nadležnosti institucija uključenih u rad Udarne grupe za borbu protiv trgovine ljudima, kao i povećan broj evidentiranih krivičnih djela krijumčarenja ljudi povezanih s migrantskom situacijom u BiH - rečeno je iz Tužilaštva BiH.

Na sastanku je razgovarano o stanju u oblasti procesuiranja krivičnih djela međunarodne trgovine ljudima, kao i krivičnih djela trgovine ljudima propisanih zakonima entiteta i Distrikta Brčko BiH, u čijem rješavanju će značajno doprinijeti Mreža specijaliziranih tužilaca i istražitelja za borbu protiv trgovine ljudima, kao i koordinacioni timovi, čija je uspostava u toku na svim nivoima vlasti u BiH.

jaliziranih tužilaca i istražitelja za borbu protiv trgovine ljudima, kao i koordinacioni timovi, čija je uspostava u toku na svim nivoima vlasti u BiH.

Koordinacioni tim

- Udarne grupa za borbu protiv trgovine ljudima i organiziranih ilegalnih migracija zajedno s Mrežom specijaliziranih tužilaca i istražitelja za borbu protiv trgovine ljudima, kao i koordinacionim timovima sa svih nivoa, nastaviti će intenzivne aktivnosti u okviru svojih nadležnosti u cilju što efikasnije borbe protiv trgovine ljudima i organiziranih ilegalnih migracija - kažu iz Tužilaštva.


M. AŠČIĆ

Ministar Radončić zahvalio Ambasadi SAD

I ministar sigurnosti BiH Fahrudin Radončić u intervjuu za Radio Slobodna Evropa (RSE) zahvalio je USAID-u i Ambasadi SAD u BiH na interesiranju za problem trgovine ljudima te je podsjetio da je novi saziv Vijeća ministara već usvojio Strategiju za borbu protiv trgovine ljudima.

- Mislim da smo mi,

uz pomoć Ambasade SAD, kojoj smo veoma zahvalni na interesiranju za ovaj problem, uradili dosta toga i da će u konačnoj procjeni oni imati u vidu da je ovo Vijeće ministara više uradilo za mjesec nego prethodno Vijeće ministara za tri ili četiri godine, što je ugrozilo naš status - rekao je Radončić.




Priča iz prakse: Internetskom predatoru meta bila devetogodišnja djevojčica iz BiH

Svakog 11. februara obilježava se Dan sigurnijeg interneta, a organizacija Save the Children odlučila je podijeliti priču o devetogodišnjoj djevojčici kao primjer i upozorenje na situacije koje se svakodnevno ponavljaju u našem društvu, a koje treba spriječiti.

Svakog 11. februara obilježava se Dan sigurnijeg interneta, a organizacija Save the Children odlučila je podijeliti priču o devetogodišnjoj djevojčici kao primjer i upozorenje na situacije koje se svakodnevno ponavljaju u našem društvu, a koje treba spriječiti.

Djevojčica Sara ima devet godina i odlična je učenica, kćerka i drugarica. Iako zna da je premlada, redovno koristi društvenu mrežu Facebook, baš kao i većina njenih vršnjaka. Njeni roditelji to znaju, te zato prate njene aktivnosti na internetu, za svaki slučaj.

Sara je uživala u korištenju interneta sve dok nije počela primati uznemirujuće poruke. Nepoznati muškarac poslao joj je sliku muških genitalija, koja je navodno objavljena na Facebooku, te na kojoj su jasno vidljivi njeni komentari. Djevojčica se prepala i, iako je znala da ona nije komentarisala takvo nešto, zapitala sebe šta će se dogoditi kada njena porodica, nastavnici i prijatelji vide tu sliku.




Odlučila je potražiti pomoć odraslih i rekla im je šta se događa, a oni su zatim kontaktirali policiju, koja je zatim preko IP adrese pronašla muškarca koji je slao poruke djevojčici. U pretresu kuće osumnjičenog policija je pronašla nekoliko kompjutera, hard diskova, DVD-ova, telefona i drugih uređaja. Ubrzo je otkriveno da je u kući privremeno boravila druga osoba u vrijeme kada su poslane poruke i da je za to koristila zaplijenjenju opremu. Osumnjičeni je bio u bijegu kada je policija izvršila pretres kuće, ali uhapšen je na graničnom prijelazu dok je pokušavao napustiti zemlju.

Nažalost, ovo nije izmišljena vijest, scenarij ili vijest iz inostranstva. Ovo je stvarni slučaj koji se dogodio u jednom gradu u Bosni i Hercegovini, gdje je policija izvršila istragu i utvrdila da Sara nije jedina žrtva ovog muškarca. Osim Sare, na meti je imao još petero djece, a za sve to osuđen je na četiri godine i tri mjeseca zatvorske kazne.

Razvoj informacijskih i komunikacijskih tehnologija uveo je brojne promjene u protekle tri decenije. Uz ogromne prednosti, upotreba IKT otvorila je i ogroman prostor za različite zloupotrebe, od manjih društveno neprihvatljivih ponašanja do najtežih krivičnih djela.

Tačan broj djece koja su doživjela seksualnu eksploataciju i/ili zlostavljanje nije poznat. Registrirani slučajevi čine samo "vrh ledenog brijega" u poređenju sa stvarnim brojem neotkrivenih slučajeva. Kada se otkriju novi slučajevi, prioritet se daje zaštiti najboljeg interesa djeteta/žrtve, što obično zahtijeva isključenje javnosti, tako da građani mogu steći pogrešan dojam da u BiH nema seksualne eksploatacije i zlostavljanja u internet okruženju.

Naprotiv, rezultati studija provedenih u BiH ukazuju na to da se djeca suočavaju s ozbiljnim problemima u digitalnom okruženju. Studija provedena na reprezentativnom uzorku djece u BiH u dobi od 12-16 godina pokazala je da je svako sedmo dijete doživjelo neki oblik nasilja u digitalnom okruženju.



Prema tvrdnjama djece, ti problemi su izuzetno teški za njih, a ponekad su čak veći od nasilja u stvarnom svijetu, iako odrasli ne obraćaju dovoljno pažnju na njih i često potcenjuju te probleme. Djeca pristupaju internetu s različitih uređaja, obično s mobilnih telefona. Većina nije svjesna potencijalnih rizika i ne zna kako se zaštititi u internetskom okruženju. Često dijele svoje i tuđe lične podatke.

Polovina djece uključene u jednu studiju primila je poruke od nepoznatih osoba, a isti broj je prihvatio te nepoznate osobe za prijatelje na društvenim mrežama. Svako deseto dijete prihvatilo se u stvarnom svijetu s nepoznatom osobom, odnosno osobom koju je dijete upoznalo samo putem društvenih mreža.

Oni koji bi trebali pružiti sigurnost djeci, prvenstveno njihovi roditelji i nastavnici, u pravilu ne posjeduju dovoljno znanja o rizicima u digitalnom okruženju. Neupoznatost roditelja s ovom problematikom ugrožava njihovu kontrolu nad aktivnostima djece na internetu. Sigurnost na internetu također nije dio nijednog nastavnog programa, tako da se o toj temi rijetko razgovara u školama. Sve to pokazuje da su djeca u BiH veoma ranjiva dok su na internetu.

S obzirom na to da su upoznate s ovim činjenicama, kao organizacije kojima je misija zaštita djece, UNICEF, Međunarodni forum solidarnosti (IFS)-Emmaus i Save the Children osnovale su Konzorcij BiH, koji provodi inicijativu nazvanu "Prevencija i suprotstavljanje seksualnom iskorištavanju i zlostavljanju djece putem interneta u Bosni i Hercegovini". Ovu inicijativu podržava Globalni fond Zaustavimo nasilje nad djecom (End Violence Against Children - EVAC) i ona obuhvata širok raspon aktivnosti u podizanju svijesti o rizicima po djecu na internetu i sprečavanju eksploatacije i zlostavljanja djece putem interneta.

Oprema koja se koristi za prikupljanje dokaza u slučajevima kao što je to ovaj s početka ovog teksta, koja vrijedi više od 100.000 eura, donirana je Policijskoj upravi Federacije BiH i Policiji Distrikta **Brčko**. Pored nabavke forenzičke opreme, organizacija Save the Children organizirala je i specijalističku edukaciju za policijske službenike o upotrebi te opreme.

Putem svojih aktivnosti Save the Children također radi na jačanju pravosudnih institucija za suzbijanje slučajeva eksploatacije i zlostavljanja djece na internetu, podržava pružatelje internetskih usluga u identifikaciji i prijavljivanju mogućih slučajeva eksploatacije i zlostavljanja djece na internetu i zagovara uvođenje sigurnosti na internetu u redovne školske nastavne planove.



Luksemburg u pet godina imao rast plaće u visini koliko je ukupn |a plaća u BiH!

Održan sastanak Udarne grupe za borbu protiv trgovine ljudima i organizirane ilegalne imigracije

U TIJEKU USPOSTAVA MREŽA SPECIJALIZIRNIH TUŽITELJA I ISTRAŽITELJA NA SVIM RAZINAMA

SARAJEVO - Glavna tužiteljica Tužiteljstva BiH Gordana Tadić jučer je, u svojstvu rukovoditeljice, predsjedavala sastankom Udarne grupe za borbu protiv trgovine ljudima i organizirane ilegalne imigracije, središnje teme kojeg su se odnosile na osnaživanje rada Udarne grupe, te aktivnosti institucija BiH u borbi protiv trgovine ljudima. Sastanku su, uz članove Udarne grupe, predstavnike tužiteljstava, policijskih, sigurnosnih i agencija

za provedbu zakona koji su uključeni u otkrivanje i procesuiranje tih kaznenih djela, prisustvovali i predstavnici međunarodnih institucija.

Glavne teme razgovora tičale su se realizacije i provođenja odredbi usvojene Strategije za suprotstavljanje trgovini ljudima u BiH, kao i Strategije integriranog upravljanja granicom u BiH 2019-2023. godine, a koje se odnose na nadležnosti institucija uključenih u rad Udarne grupe za borbu protiv trgovine ljudima i organizira-



nih ilegalnih migracija, kao i povećan broj evidentiranih kaznenih djela krijumčarenja ljudi povezanih sa migrant-skom situacijom u BiH.

Razgovaralo se i o stanju u smislu procesuiranja kaznenih djela međunarodne trgovine ljudima te kaznenih djela trgovine ljudima propisanih zakonima entiteta i **Brčko** Distrikta BiH, u čijem rješavanju će značajno doprinijeti Mreža specijaliziranih tužitelja i istražitelja za borbu protiv trgovine ljudima, kao i koordi-

nacijski timovi, čija je uspostava u tijeku na svim razinama vlasti u BiH.

Udarne grupa za borbu protiv trgovine ljudima i organiziranih ilegalnih migracija, zajedno s Mrežom specijaliziranih tužitelja i istražitelja za borbu protiv trgovine ljudima te s koordinacijskim timovima sa svih razina, nastavit će intenzivne aktivnosti u okviru svojih nadležnosti u cilju što efikasnije borbe protiv trgovine ljudima i organiziranih ilegalnih migracija.



Koje su opasnosti za Republiku Srpsku nakon odluke Ustavnog suda BiH

OTIMAJU ZEMLJU PO RECEPTU MILA ĐUKANOVIĆA



Odluka Ustavnog suda BiH kojom zabranjuje upisivanje svojine nad poljoprivrednim zemljištem na Republiku Srpsku, po svemu sudeći biće još jedna od onih odluka koje nikada neće biti provedene, jer bi u suprotnom mogla da ima opasne posledice po RS.

**MAJA BAŠIĆ, SLOBODAN
POPADIĆ**

To proizlazi iz reakcija stručnjaka pravne struke i političara iz Srpske nakon što je Ustavni sud BiH u

petak doneo spornu odluku. Naime, Ustavni sud BiH je odlučio da je neustavan član 53 Zakona o poljoprivrednom zemljištu RS kojim je propisano da zemljište koje je po svojoj prirodi javno dobro, odnosno državno

vlasništvo, po sili zakona postaje vlasništvo i posed RS. Sud smatra da je to državna imovina i da je u nadležnosti institucija BiH.

Potpredsednik Narodne skupštine Srpske i advokat Milan Petković kaže da je očito da se Ustavni sud upustio u raspravu o onome što nije njegova nadležnost i predstavlja grubo zadiranje u nadležnost RS. - Ustavom RS je propisao da su pitanja svjetska i obligaciona u celosti u nadležnosti RS i ona je ta koja štiti svoju imovinu. Ukoliko bi se ispoštovala odluka

i poljoprivredno zemljište knjižilo na BiH, to bi značilo otimanje zemljišta RS, nešto slično onome što se u Crnoj Gori radi zakonom, a ovde se radi odlukom suda. Smatram da je ovo oblik revizije Dejtonskog sporazuma putem Ustavnog suda BiH - kaže Petković.

Profesor Pravnog fakulteta u Banjaluci Vitomir Popović kaže da spornu odluku Ustavnog suda treba javno odbaciti. - Dejtonski sporazum je jači u odnosu na njihove zakone. U hijerarhiji, Dejtonski mirovni sporazum je međunarodni ugovor javno pravnog karaktera i on je definisao odnose u podeli imovine tako što je utvrdio liniju razgraničenja između RS i FBiH, a za sporni deo Distrikta Brčko je to pitanje rešio arbitražom. Država nema nikakve ingerencije nad poljoprivrednim zemljištem RS jer je povučena jasna linija. Rečeno je da je to državna imovina, ali Republike Srpske - kategoričan je Popović.

Banjalučki advokat Željko Bubić kaže da se radi o kontinuitetu odluka koje se donose kontra Srpske te da je sporan i način odlučivanja i sam način glasanja. - Jasno je da se sudske odluke moraju poštovati, između ostalog i odluke Ustavnog suda BiH,

MINISTARSTVO: ČISTO POLITIČKI RAZLOZI

Ministarstvo poljoprivrede, šumarstva i vodoprivrede RS smatra da je Ustavni sud BiH iz čisto političkih razloga doneo ovakvu odluku.

- BiH po Ustavu nema svoju imovinu, nego imovina pripada entitetima, osim ako su se u određenom slučaju o tome usaglasili entiteti. Ustav BiH ni u jednom delu ne daju izričito pravo BiH, niti daje nadležnost bilo kom organu BiH da kroz zakonodavnu ili drugu normativnu aktivnost reguliše imovinska prava na poljoprivrednom zemljištu - navodi

se u saopštenju.

Kako kažu, iz odredbi Ustava RS jasno proizlazi da Srpska ima nadležnost za donošenje Zakona o poljoprivrednom zemljištu. - Osim toga, Ustavni sud BiH je odlukama u tri predmeta iz marta i aprila 2017. i oktobra 2018. godine potvrdio da poljoprivredno zemljište, kao dobro od opšteg interesa, nije bilo predmet privatizacije i da je vlasništvo RS - navode u saopštenju. Ministarstvo napominje da još nije zaprimilo odluku Ustavnog suda BiH, te da će konačan stav izneti po njenom prijemu.



Ukoliko bi se poljoprivredno zemljište knjižilo na BiH, to bi značilo otimanje zemljišta RS, nešto slično onome što se u Crnoj Gori radi zakonom, kaže potpredsednik NSRS Milan Petković

kao najviše pravne instance. Međutim, ako ostane ovakav stav, posledica bi mogla da bude izuzimanje značajnog dela poljoprivrednog zemljišta i prebacivanja odlučivanja na nivo BiH. Na ovaj način mi bismo došli u situaciju da, bez neke redovne procedure koja je propisana zakonom, sudski i pravosudni organ uzme u svoju nadležnost donošenje odluke o jednom veoma važnom pitanju, koje se tiče zemljišta. Čisto razvlašćivanje RS putem pravosudnih institucija, zbog čega je između ostalog u ranijem periodu bilo govora i o osnivanju ministarstva poljoprivrede na nivou BiH - naglašava Bubić.

Politika je svoje rekla već u petak kada je Ustavni sud BiH saopštio da je doneo pomenutu odluku, koja će u celosti naknadno da bude objavljena. Srpski član Predsedništva BiH i lider SNSD Milorad Dodik poručio je da je Ustavni sud mesto manipulacije kao što je u slučaju poljoprivrednog zemljišta. - Poljoprivredno zemljište nije nadležnost BiH, Ustavni sud ne može da bude ustavotvorac i daje prava. Oni

promovišu ne pravo. Ako su utvrdili da zemljište ne pripada određenom nivou vlasti, tj. entitetima i da pripada BiH, onda krši Ustav. Ustavni sud krši Ustav. Sve zemljište i svi objekti pripadaju entitetima - rekao je Dodik.

Ako se podsetimo šta je bila namena prilikom izmena Zakona o poljoprivrednom zemljištu RS, jasno je šta bi značilo kada bi RS ispoštovala odluku Ustavnog suda BiH.

- Izmene Zakona o poljoprivrednom zemljištu će omogućiti upis desetina hiljada hektara zemljišta u svojinu RS i one će biti na raspolaganju poljoprivrednim proizvođačima. Nekoliko desetina hiljada hektara dobrog zemljišta, koje je pripadalo raznim društvenim preduzećima i poljoprivrednim kombinatima, koje je sada ili upisano kao vlasništvo nekih privatnih lica, ili je negde u sporu na sudu. Kad to rešimo kroz zakon, moći ćemo da potpuno rešimo pitanje koncesija, zakupa i korištenja tog zemljišta - izjavio je u martu prošle godine ministar poljoprivrede Boris Pašalić. ■



Арлов

Васкршња хуманитарна аукција слика

ШАМАЦ - Васкршња хуманитарна аукција слика биће организована почетком априла у Источном Новом Сарајеву, а сав приход биће усмјерен за изградњу Дневног центра "Подржи ме - 9. јануар" у Косовској Митровици, намијењеног за дјецу и младе са потешкоћама у развоју, рекао је председник Одбора за помоћ Србима на Косову и Метохији Милорад Арлов.

Арлов каже да је цијена слике 500 КМ и да ће то бити четврта хуманитарна аукција слика, након Бањалуке, **Брчког** и Требиња. (Срна)



**Potrebno riješiti
pitanja upravljačke
odgovornosti
i jačanje
funkcionisanja
unutrašnje
kontrole i
unutrašnje revizije
u cijelom javnom
sektoru i svim
javnim
preduzećima,
kažu u EU**

Dejan ŠAJINOVIC

dejans@nezavisne.com

BIJELJINA, BANJALUKA - U organizaciji EU danas u Bijeljini će se održati skup na kojem će vlasti BiH prezentovati svoje planove za reformu javnih preduzeća u većinskom državnom vlasništvu, saznaju "Nezavisne".

Kako nam je rečeno, različiti nivoi vlasti će predstaviti i svoj plan za implementaciju socioekonomske agende za period 2020-2022. godina, a preduzeća u većinskom državnom vlasništvu bi trebalo da budu jedna od tema.

Endrju Džuel, stalni rezidentni predstavnik Međunarodnog monetarnog fonda (MMF) u BiH, kaže za "Nezavisne" da njihova misija u RS i Brčko distriktu počinje ove sedmice, a da prijedloge od strane lokalnih vlasti očekuje na sastanku u Bijeljini.

"Reforma preduzeća u državnom vlasništvu je jedna od ključnih reformi definisanih u agendi. Vidjećemo šta će nam prezentovati", rekao je Džuel.

Na naše pitanje kakva su generalno očekivanja EU kad je u pitanju reforma ovih preduzeća, u Delegaciji EU kažu da je unapređenje upravljanja javnim preduzećima jedna od dugo

**EU od organa vlasti
u BiH traži da počnu
realizaciju mjera
iz Reformske agende**

**Javna
preduzeća
od danas
U VIZIRU
EVROPE**

očekivanih strukturnih reformi koja će, ako se provede kako treba, povećati potencijal rasta zemlje.

"Kako bi se povećala cjelokupna transparentnost javnog sektora, potrebno je razviti registre javnih preduzeća i učiniti ih dostupnim javnosti. Restrukturisanje javnih preduzeća i stimulisanje konkurencije iz privatnog sektora moglo bi rezultirati poboljšanjem kvaliteta usluga koje pružaju, a u korist svih građana", rekla je za



"Nezavisne" Jamila Milović Halilović, portparolka Delegacije EU.

Ona ističe da su potrebni daljnji naponi za rješavanje pitanja upravljačke odgovornosti i jačanje funkcionalnosti unutrašnje kontrole i unutrašnje revizije u cijelom javnom sektoru i svim javnim preduzećima na svim nivoima vlasti.

"U strateškim sektorima kao što su transport, energija i telekomunikacije, još prevladava loše upravljanje i često neefikasna javna preduzeća. Glavne prepreke za industrijsku privatizaciju su pravna nesigurnost, korupcija i nepovoljno poslovno okruženje", naglasila je Milović Halilovićeva.

U analitičkom izvještaju Evropske komisije od prošlog ljeta ukazuje se i na problem subvencija javnim preduzećima i neadekvatno zapošljavanje u taj sektor. To, kako ističu, otežava poslovanje ostalim poslovnim subjektima i izvor je korupcije. Jedan od njihovih prijedloga je i regulisanje pitanja državne pomoći.

"Iako su zvanični nivoi državne pomoći niski, značajan je uticaj indirektno državne pomoći. Veliki broj javnih preduzeća indirektno uživa korist od poreskih olakšica, a posebno u oblasti socijalnih davanja", naglasili su oni.

Takođe, podsjećamo na obimnu studiju koju je MMF uradio prošle godine u BiH, a u kojoj su konstatovali da preduzeća u većinskom državnom vlasništvu u BiH duguju 8,1 milijardu maraka ili 20 odsto bruto domaćeg proizvoda.

Francisko Parodi, tadašnji stalni predstavnik MMF-a u BiH, rekao je da

je studija pokazala mnogo iznenađujućih podataka, poput, na primjer, činjenice da vlasti često nisu ni znale čime raspolažu, a poslovne odluke često nisu odražavale realno stanje i potrebe u tim preduzećima. Iako i EU i MMF jedino od rješenja vide u privatizaciji ovih preduzeća, i jedni i drugi upozoravaju da je to samo jedna od opcija, te da je najvažnije naći rješenje da preduzeća posluju pozitivno i da nisu opterećenje za poreske obveznike.

Branko Kecman, član Udruženja "Misli dobro" za pitanja ekonomije, kaže za "Nezavisne" da je osnovno da vlasti definišu šta je cilj tih preduzeća, odnosno da se postavi sistem po kojem bi državna preduzeća bila tretirana na isti način kao što su i bilo koja druga preduzeća. Ističe da u BiH postoje primjeri koji dokazuju da je moguće ne samo reformisati državna preduzeća, već ih učiniti i profitabilnim ako za to postoji dovoljno volje. Podsjetio je da je organizacija "Misli dobro" organizovala više skupova na kojima je bilo riječi o reformama ovog sektora, te da zagovara uvođenje jedinstvene mjere uspjehnosti preduzeća kroz pozitivan gotovinski tok.

REFORMA PREDUZEĆA U DRŽAVNOM VLASNIŠTVU JE JEDNA OD KLJUČNIH REFORMI DEFINISANIH U AGENDI, KAŽE DŽUEL

"Kada bi se ove mjere usvojile, veoma bi se lako moglo provjeriti stanje u tim preduzećima od strane nezavisnih revizija i lako bi se utvrdilo da li jeste ili nije ostvareno ono što je bilo zacrtano kao plan", zaključio je Kecman za "Nezavisne".

**KECMAN:
VLAST MORA
DA DEFINIŠE
CILJ**



Eldan Mujanović: Eksploatacija više nije samo seksualna

Trgovinom ljudima tužilaštva se ne bave

Profesor na Fakultetu za kriminalistiku, kriminologiju i sigurnosne studije u Sarajevu Eldan Mujanović smatra da su tužilaštva morala imati veći broj istraga i optužnica

O stanju u oblasti procesuiranja kaznenih djela međunarodne trgovine ljudima, kao i kaznenih djela trgovine ljudima propisanih zakonima entiteta i Brčko distrikta BiH, u čijem rješavanju će značajno doprinijeti Mreža specijaliziranih tužitelja i istražitelja za borbu protiv trgovine ljudima, kao i koordinacioni timovi čija je uspostava u toku na svim nivoima vlasti u Bosni i Hercegovini, govorilo se jučer u Sarajevu na sastanku Udarne grupe za borbu protiv trgovine ljudima i organiziranih ilegalnih migracija.

Prisilan rad

Sastankom je predsjedavala rukovoditeljica Udarne grupe, glavna tužiteljica Tužilaštva BiH Gordana Tadić, a glavne teme odnosile su se na osnaživanje rada ove grupe, te aktivnosti državnih institucija u borbi protiv trgovine ljudima.

Imamo dosta problema u praksi, a mali broj istraga tužilaštava, koja su trenutno najtanja karika i koja trebaju imati veći broj predmeta u radu, kaže Mujanović

Eldan Mujanović, profesor na Fakultetu za kriminalistiku, kriminologiju i sigurnosne studije u Sarajevu, podsjeća kako je problem trgovine ljudima u našoj zemlji prisutan od kraja rata.

Zakonodavac je na državnom nivou 2003. godine prvi put inkriminirao to krivično djelo i shodno tome je to bila nadležnost Suda i Tužilaštva BiH. Uglavnom je to bila seksualna eksploatacija i pretežno su žene bile žrtve, i to strane državljanke. Vremenom se to značajno promijenilo, sve veći i veći broj

državljana BiH je postao žrtva trgovine ljudima i više to nije isključivo seksualna eksploatacija, već i radna, prisiljavanje djece na prosjačenje i svi drugi oblici prisilnog rada, ističe za Oslobođenje Mujanović.

Dodaje kako su međunarodne institucije, poput State Departmenta, Vijeća Evrope i Evropske unije, tražile da se problematika trgovine ljudima proširi na sva četiri krivična zakona u BiH.

Nakon toga se i to desilo i sada je to nadležnost svih sudova u Bosni i Hercegovini, svih MUP-ova i tužilaštava. Ono što najviše zahtijeva međunarodna zajednica jeste odlučnije procesuiranje i krivično gonjenje slučajeva trgovine ljudima. Konkretno, tužilaštva koja trebaju imati veći broj istraga i optužnica, a onda sudovi u procesuiranju. Ono što smo dobili kao novi momenat, nakon svih izmjena zakona, jeste usvojena nedavno u Vijeću ministara Strategija za borbu protiv trgovine ljudima i ona se već počela implementirati. Proširuju se kapaciteti na koordinaciju, to je možda i najveći iskorak do sada. To znači da će se u domenu krivičnog gonjenja Udarne grupa, koja postoji odavno, sada reaktivirati i njoj će se pridodati Mreža specijaliziranih tužilaca i istražitelja, da bi se ta operativna koordinacija poboljšala. Osim toga, svi kantoni i entiteti će osnovati svoja tijela za koordinaciju aktivnosti na tom nivou, pojasnio je Mujanović.

Veliki koraci

Već se čine, navodi profesor, veliki koraci da se mehanizam koordinacije što više unaprijeđi. Napominje kako se radi i na tome da se kapaciteti svih ovih institucija unaprijeđe.

Zbog toga ova pomenuta udarna grupa ima veliku ulogu, da okupi sva ta tužilaštva, policijske agencije i da odlučnije rade na slučajevima u praksi, zaključuje profesor.

ADEM DŽAFEROVIĆ



TUŽITELISTVO I POLICIJSKE AGENCIJE

Jačanje Udarne skupine u borbi protiv trgovine ljudima



UTVRDEN povećan broj djela krijumčarenja ljudi

Sastanak Udarne skupine za borbu protiv trgovine ljudima i organiziranih ilegalnih migracija održan je u Sarajevu pod predsjedanjem glavne tužiteljice Tužiteljstva BiH Gordane Tadić, a središnje teme odnosile su se na osnaživanje rada Udarne skupine te aktivnosti bh. institucija u borbi protiv trgovine ljudima. Sudionici sastanka fokusirali su se na realiziranje i provedbu odredbi usvojene strategije za suprotstavljanje trgovini ljudima

u BiH, kao i strategije integriranog upravljanja granicom u BiH 2019. - 2023., a koje se odnose na nadležnosti institucija uključenih u rad Udarne skupine za borbu protiv trgovine ljudima i organiziranih ilegalnih migracija, kao i povećan broj evidentiranih kaznenih djela krijumčarenja ljudi povezanih s migrantskom situacijom u BiH. Istodobno, razgovarano je o stanju u oblasti procesuiranja kaznenih djela međunarodne trgovine ljudima,

kao i kaznenih djela trgovine ljudima propisanih zakonima entiteta i Distrikta **Brčko**, u čijem rješavanju će značajno doprinijeti Mreža specijaliziranih tužitelja i istražitelja za borbu protiv trgovine ljudima, kao i koordinacijski timovi, čija je uspostava u tijeku na svim razinama vlasti u BiH. Na sastanku su sudjelovali članovi Udarne skupine, predstavnici tužiteljstava, policijskih, sigurnosnih i agencija za provođenje zakona.



ISPRAVLJANJE NEPRAVDE

Neovisno o političkoj, nacionalnoj ili regionalnoj pripadnosti, županije sa sjedištima u Tuzli, Zenici, Mostaru i Širokom Brijegu **ujedinjene da se promijeni diskriminacijski zakon**

**MMF JE RANJE
PREDLOŽIO MODEL,
ALI JOŠ NIJE
PRIHVAĆEN NITI SE
NAŠAO U
PROCEDURI**

1
Privilegija
Sarajevu

Od početka primjene Zakona 2006. godine Sarajevska županija ima ponder dva, što joj donosi daleko veće prihode od svih drugih županija

2
Posebni
ponderi

Prije nekoliko godina Sarajevska županija dobila je 802 marke po stanovniku, Tuzlanska 407, ZHŽ 481, HNŽ 451, SBŽ 451 KM, HBŽ 581 KM

3
Nova
raspodjela

Predlaže se da bi se prikupljanje poreza na dobit moglo temeljiti prema mjestu proizvodnje, umjesto prema središtima tvrtki

Nova inicijativa da se Sarajevu ukine koeficijent 2 pri raspodjeli prihoda

Zoran Krešić

Pripadnici policijske Postrojbe za potporu Sarajevske županije imaju veću plaću za oko 500 maraka od svojih kolega u Hercegovačko-neretvanskoj županiji. A rade isti posao. Riskiraju život u najtežim policijskim akcijama, rješavaju talačke situacije, sudjeluju u rješavanju najtežih zločina. Razlika je jedino što rade u dvjema različitim županijama čiji su prihodi višestruko različiti. Čak i do četiri puta. A sve to moguće je jer je proračun Sarajevske županije gotovo jednake visine kao i državni, zbog čega je od utemeljenja šesteročlane koalicijske vlasti trajao pokušaj da se taj savez razvrgne. Kao i s plaćama policajaca, jednaka je situacija i s plaćama obrazovnih i zdravstvenih djelatnika koje se plaća iz županijskog proračuna, isplata raznih oblika poticaja poput potpore roditeljima...

Jedan Sarajlija, dva Tuzlaka

Razlog zašto je Sarajevo, uz ostalo što je administrativno središte i sjedište brojnih stranih predstavništava i kompanija, diplomatskih misija, javnih institucija, "bogatije" jest ponajprije zahvaljujući činjenici da ima koeficijent dva, zbog čega



Plaće u policiji, obrazovanju, zdravstvu bitno su veće od plaća kolega iz FBiH, zato je bila snažna bitka za promjenu Vlade i kontrolu nad proračunom Sarajevske županije

je dvostruko privilegirano u odnosu na većinu drugih županija. Upravo zato izaslanik Stranke demokratske akcije (SDA) Fahrudin Skopljak u Domu naroda Parlamenta FBiH, podrjetlom iz Tuzle, ponovno je potaknuo inicijativu da se promijeni Zakon o

pripadnostima javnih prihoda kojim druge županije više ne bi bile zakinite za stotine milijuna maraka. Skopljak je za Oslobođenje ranije izjavio kako "Sarajlija vrijedi kao dva Tuzlaka". Da ovo pitanje nije nacionalne, regionalne, političke ili bilo kakve druge

naravi, govori i činjenica kako su i druge županije, neovisno o tome koje su u pitanju, nezadovoljne privilegiranim statusom Sarajeva. Ministar financija Zapadno-hercegovačke županije Toni Kraljević ističe kako treba promijeniti zakon jer je više nego jasno kako se radi o diskriminaciji pojedinih županija. "Postojeća raspodjela javnih prihoda, odnosno prihoda od neizravnih poreza koji pripadaju županijama, nepravdna je. Mi smo imali nekoliko sastanaka i s misijom Međunarodnog monetarnog fonda u Sarajevu kroz Fiskalno koordinacijsko tijelo. Tu se raspravljalo o više modela, ali se onda zastalo u cijeloj priči. To treba reaktualizirati i iznaći neki model koji neće nikoga oštetiti, ali koji će ravnomjernije raspoređivati neizravne poreze", rekao je Kraljević za Večernjak. Inače, Zakon o raspodjeli javnih prihoda, koji je izmijenjen zajedno s uvođenjem poreza na dodanu vrijednost (PDV), definirao je raspodjelu novca na razini države, dvaju entiteta i Distrikta Brčko te unutar FBiH. Prema postojećem sustavu, prihodi od neizravnih poreza raspoređuju se među županijama koristeći formulu koja se temelji na broju stanovnika, površini i broju školske djece, a

koje se zatim uvećavaju za posebne koeficijente u slučaju četiriju županija. Sarajevo je od samoga početka dobilo koeficijent 2, zatim Posavska županija, koja je dobila nešto više novca nakon poplava, te Hercegbosanska i Bosansko-podrinjska županija. Po prijedlogu koji su izradili u Inicijativi za lokalne vlasti, čiji je rad financirao EU, poziva se na uspostavu novih načela prigradom raspodjele novca.

Hibridni sustav

Na području Tuzlanske županije nalaze se najveće termoelektrane i rudnici mrkog ugljena koji djeluju u sklopu sustava FBiH, no njihove plaćene obveze ne upisuju se Tuzlanskoj županiji, gdje se fizički nalaze, nego gdje je sjedište ove kompanije - Sarajevo. "Raspodjela prihoda trpi zbog hibridnog sustava koji ne postiže nijedan od svojih ciljeva. Taj sustav treba reformirati i pojednostaviti, temeljiti na dvama stupovima koje je predložio MMF i koji bi zamijenili postojeće koeficijente. Ubriranje poreza na dobit moglo bi se temeljiti prema proizvodnim centrima, umjesto prema središtima kompanije", navodi se u ovoj analizi koja daje smjernice za reformu, koja se očekuje već ove godine.